



FACTVM,

Pour Maistre Pierre de Brye Prestre Baschelier en droict
Ciuil, Chanoine prebendé en l'Eglise d'Aux, defen-
deur & opposant.

*Contre Maistre Guillaume Birot demandeur & compleignant
pour raison du possessoire desdits Chanoinie & Prebende,
Pierre Geoffroy Receueur du domaine de Monsieur d'Aux,
& Raymond Serez, pretendans droict en icelles Interuenans.*



Es parties sont d'accord que le dernier paisible pos-
sesseur desdits Chanoinie & Prebende estoit feu
Maistre Anthoine Falgoux.


De Brye pretend iceux cōme vacans par la resignatiō
causa permutacionis, faicte avec le dit Falgoux & admi-
se en Cour de Rome *ex utraq; parte*, le 29. iour de Iuil-
let 1612. vn mois auparauāt la mort dudit Falgoux, ad-
uenue seulement le dernier iour d'Aoust ensuiuant.

Lesdits Birot & Geoffroy les pretendent par la mort dudit Falgoux & Se-
rez par deuolut, & tous trois sont d'accord & colludent ensemble, comme
l'a iustificié au procez ledit de Brye par des lettres missiues dudit Geoffroy,
Birot à donné subiect à l'euocation, se pretendant pourueu à cause du ser-
ment de fidelité.

Reste Geoffroy qui seula produict au procez qui s'efforce de prouuer la
vacance de mort, & tout ce qu'il dict & allegue, se resoult en deux moyens.
Le premier que la permutation est frauduleuse & vitieuse. Le second que
quand bien elle seroit bonne, que la prouision de Brye est subreptice &
obreptice, par ainsi nulle, & que ce qui est nul n'a point d'effect, par con-
sequence que lesdits deux moyens n'ont empesché la vacance de mort.

Pour le premier il dit que de Brye en permutant n'a baillé que de
petits benefices qui ne sont esgaux, ny en honneur ny en reuenue à la-
dicte Chanoinie. Qu'il a faicte ladite permutation pendant la maladie,
ex qua deceßit. Et qu'il s'est desisté & departy de ladite permutation
admise le 29. Iuillet ayāt permuté derechef avec Falgoux le 24. Aoust
ensuiuant & en consequence de ladite permutation ayant pris pos-
session & iouy.

A



Aquoy ledit de Brye respond qu'outre les benefices qu'il auoit baillé audit Falgoux qui valent plus de 400. liures, il auoit consenti à la creation d'une pension de 300. liures que ledit Falgoux s'estoit reseruee qui estoit suffisante seulement pour la recompense de sa Chanoinie.

Que pour la maladie que cela n'importe ayant suruescu les vingt iours portez par la reigle de *infirmis resign.* Tellement que route fraude cesseroit quād bien il y en auroit eu, que nō, & par la doctrine de ladite reigle receuē en France, *beneficium vacauit per resignationem & non per obitum.*

Quant à la permutatiō du 24. Aoust elle n'empesche pas que celle du 29. Iuillet ne soit tres-bonne, qui est celle dont s'ayde ledit de Brye, ains au contraire celle du 29. Iuillet, cōme la premiere admise auparauint celle du 24. Aoust empesche que la derniere n'aye effect, le Pape ayant lié les mains à l'Ordinaire, cōme au semblable l'Ordinaire eust fait au Pape s'il eust premier pourueu. Et il est constant qu'en matiere benefeciale *bis resignans nihil agit*, tellement que la seconde permutation ayant esté admise apres l'admission de la premiere n'a point d'effect, & quand elle auroit eu effect, l'on scait aussi qu'en matiere benefeciale l'on peut accumuler diuers titres sans se departir ni deroger au droit que l'on a desia acquis, comme a tousiours fait & protesté en tous actes ledit de Brye.

Pour le second moyen, concernant l'obreption ledit Geoffroy dit que ledit de Brye dedans sa signature & prouision de Rome a teu au Pape qu'il estoit pourueu d'une Chappelle de Moinerie en l'Eglise d'Aux, pour preuue de quoy il rapporte vne coppie de collation de ladite Chappelle extraicte du registre du Greffier du Chapitre d'Aux, faicte audit Brye par resignation d'un nommé Castel long temps auparauint l'admission de ladite permutation en laquelle sont inferez ces mots, *sibi presenti requirenti & acceptanti*, & que par les Chapp. *proponente, postulasti de rescriptis & si motu proprio de preb.* ladite signature, est *ipso iure nulla*, dont ledit Geoffroy tire vn second argument, *quod nullū est non prestat impedimentum Reg. non prestat.* Par consequent ladite signature estant nulle à faute d'expression n'a empesché la vacance de mort.

Aquoy ledit de Brye respond que la verité est que croyant que Castel eust passé procuration pour se demettre de ladicte Chappelle, qu'il l'a requis & que le Chapitre luy en fist collation, & depuis ayant appris que ledit Castel n'auoit passé aucune procuration de ladite Chappelle & que le chapitre n'ayant eu puissance de la luy conferer la collation *remanebat nulla ob defectum potestatis.* Il ne fit leuer ladite collation laquelle n'a iamais esté leuee que par ledit Geoffroy par extraict comme le Secretaire du Chapitre la declara en presence dudit Geoffroy, lors qu'il fut ouy deuant le Commissaire ains s'en deporta, & de fait jamais il n'en a pris possession ni iouy, ni Castel pretendu resignant n'a passé aucune procuration, pour s'en demettre & en a tousiours iouy iusques à present qu'il en iouyst encores.

Ce que ledit de Brye preuue au procez, ayant rapporté pieces iustificatiues extraictes avec ledit Geoffroy, tant de ladite procuration non signée que des baux faicts & quittances baillees & droicts payez par ledit Castel pour ladite Chappelle, depuis l'annee mil six cens dix, iusques à present. Oultre

vne attestation de gens d'honneur de l'Eglise d'Aux, qui attestent ladite Chappelle estre encor tenue à present par ledit Castel faicte en presence dudit Geoffroy par deuant le iuge des lieux.

Et ce a quoy il ny a point de responce, est que ledit de Brye a fait apporter la minute originale de ladite pretendue procuration au Greffe du Conseil par laquelle il se void que iamais Castel ne la signe. Desquelles pieces il s'ensuit que ledit de Brye n'a iamais esté pourueu valablement de ladite Chappelle, qu'il ne l'a iamais acceptee ni iouy d'icelle, & par consequent qu'il n'a esté tenu de l'exprimer.

Et soustient d'abondant ledit Brye que ledict Geoffroy n'est point partie capable de luy pouuoir obiecter ledit defect de non expression, bien qu'inuenté à plaisir non plus que la simonie & intrusion pretendue par le procez estant seulement pourueu par mort *Unum enim genus vacationis non porrigitur ad aliud cap. susceptum de rescript. in 6.* & se doit tenir à la vacance de mort.

Deuoluir tira consequence que la signature estant nulle qu'elle n'auoit point d'effect, & qu'elle n'empescheroit la vacance de mort, par la susdicte reigle, *non prestat*. Il n'ya aucune apparence.

Ladicte maxime ne s'entendant ainsi mais s'entend que si ob non expressionem collatio esset nulla qu'elle n'empescheroit pas que le benefice ne vacquast per non expressionem, & qu'un deuolutaire ne le peust obtenir, mais de l'estendre à la mort, c'est hors de propos, d'autant que *resignatio fuit admissa per Payam*, & le benefice a vacqué entre les mains, que s'il l'a conféré *incapaci*, ou qu'il y aye defect au titre *beneficium vacat per incapacitatem vel per titulorum nullitatem* & non par mort. Ce qui a esté iugé solennellement au semestre d'Hyuer, au rapport de Monsieur du Tuy Romé pour vne Chanoinie de Rodez où le resignataire n'auoit exprimé, & le ioyeux aduenement nommé Maistre Bertier la pretendoit par mort par la susdicte maxime, neantmoins ladite Chanoinie fut adiugée au resignataire, en cōsequence d'une nouuelle prouisiō, bien que posterieure en date à la prouision dudit Bertier conformément à l'opinion de tous les Docteurs.

Mais ledict de Brye est en plus forts termes, n'ayant rien oublié à exprimer en sa signature.

Reste à monstrier que ledit de Brye n'est ny intrus ny simoniacque, à quoy il n'est tenu de respondre, n'estant ledit Geoffroy partie capable, mais pour euitier la longueur du proces & que ledit Geoffroy ne fasse produire ledit Serez & vn autre deuolutaire qu'il a en sa manche respondra à ces deux obiections.

Pour l'intrusion il a tire de ce que ledit de Brye a pris possession en vertu de la permutation du 24. Aoust, & dict ladicte permutatiō estre nulle, pour auoir esté admise par l'Euesque de Condon qui n'auoit puissance de ce faire, & ayant prins possession en consequence d'icelle, & iouy de la Chanoinie c'est vne intrusion par consequent.

Ledit de Brye respond qu'il ne demeure d'accord que la prouision de l'Euesque de Condon soit nulle, ayant esté faicte au refus de l'Archeueque d'Aux qui n'a point de superieur que le Pape, & que par la coustume

4

du païs sur son refus l'on s'adresse au plus prochain Euesque, mais quand elle seroit nulle, que ce n'est point audict de Brye à en iuger, & suffit que l'ayant presentée au Chapitre, le Chapitre l'aye jugée bonne & l'aye mis en possession en vertu d'icelle, pont n'estre dict intrus *intrusus enim dicitur qui auctoritate propria & absque titulo occupat beneficium doctor. in cap. cum qui de prob. in 6.* & encor selon le Glossateur de la pragmatique *in verbo non violentus de pacificis Intrusus dicitur qui habens titulum canonicum auctoritate propria apprehendit possessionem*, bien que Rebuffe soit contraire en d'aucuns cas à ceste opinion comme ila traicté amplement num. 243. de pacificis Gomez sur la regle de trennali q. 48. Or en l'un & en l'autre cas l'on ne peut dire valablement que ledit Brye soit intrus, ayant pris la possession *auctoritate capituli* deuëment assemblée à qui seul appartient de mettre en possession les Chanoines, & du consentement de son resignant, & ne pourroit estre dict intrus ledit Brye quand mesme il n'eust point eu ledict titre, car tout le droit de ladite Chanoinie estoit par deuers luy, & en sa personne par le moyen de ladite permutation qui estoit admise en Cour de Rome, il y auoit Plus d'un mois en vertu de laquelle incontinent apres & d'abondant il a renouuellé ladicte possession comme il appert par les actes qu'il a produict.

Quand à la Simonie pretendue ledict Geoffroy dict qu'en mesme temps que ladite permutation a esté faicte, la sœur dudit Brye avec le frere dudit Geoffroy ont esté mariez, & que par le mariage les quatre cens escus qui auoient esté baillez pour dot à ladite de Brye, sont tournez au profit de Falgoux resignant, qui les a receus, & que ledict mariage n'a esté fait que pour colorer ladicte Simonie & que la permutation n'eust esté faicte sans lesdits quatre cens escus.

A quoy respond ledit de Brye que le Conseil jugera s'il y a apparence que le frere de Falgoux eust espousé la sœur de Brye, pour n'auoir rien en mariage qu'une femme, mais en effect il paroist par le contract de mariage que deffunct Falgoux, outre un aduantage qu'il faisoit à son frere, que pour les dits quatre cens escus qu'il prenoit pour l'acquit de ses debtes, luy bailloit la moitié d'une mestairie appelée Gauachon pour son assurance laquelle vaut six mille liures, & luy faisoit don de l'autre moitié mariage faisant, Outre que peu auparauant il l'auoit institué legataire de tous ses biens.

Et ne pouuoit Brye empescher que ledit Falgoux ne touchast la dot de sa sœur, puisque son mary prenoit pour assurance de son frere la moitié de ladite mestairie qui estoit un remploy assuré desdits quatre cens escus.

Et l'on peut remarquer à cela l'impertinence dudit Geoffroy, qui veut que ce mariage aye serui de couuerture à la dicte Simonie, & que tous les parens & amis qui assisterent au mariage par consequent soient participans à ladicte simonie imaginaire.

Il dit plus que le notaire qui a receu la procuration *ad resignandum* comme aussi le iuge qui a fait les extraits produits par de Brye sont ses parens, par consequent que la procuration est nulle, & que l'on ne doit auoir esgard aux extraicts.

A quoy respond ledict Brye qu'il ne sçait si ledit Notaire luy est parent, & ques'il luy est parent qu'il faut que ce soit de quelque degré reculé &

Falgoux

non de ceux portez par les ordonnances, mais quand il seroit que pour cel l'acte ne laisseroit d'estre bon, d'autant que l'ordonnance des petites dactes ne d'effend aux Notaires d'estre parents, mais seulement aux resmoing d'estre parents ou domestiques du resignant.

Quant aux extraicts ayants esté faicts en la presence dudit Geoffroy i leur originaux qu'importe que le iuge soit parent, bien que non, puis qu'un simple Huissier estoit capable de les faire, & qu'ils ont esté deliurez par ceux qui les auoient receus ou auoient en main, & ceste obiection est aussi impertinente comme celle qu'il allegue pour annuller la prise de possession dudit Brie, disant que lors qu'il fust installé en la Chanoinie il y auoit des Chanoines qui estoient ses parents comme si cela estoit prohibé.

Ledit Geoffroy faict encor plusieurs friuoles allegations qui ne meritent responce d'autant que la verité des actes le dementent comme quād il soustiēt que le visa produit par ledit Brie n'a esté baillé sur sa signature mais sur vn autre, qu'il ya des ratures aux mots substantiaux de ladicte signature, qu'il n'est pas Bachelier, & autre semblables.

Ledit de Brie dict en fin ce qu'il a dict ce que dessus que toutes ces dires allegations seroient bonnes à dire à vn deuolutaire, & non à Geoffroy qui est pourueu par mort, & qui mesmes ne peut dire auoir aucun titre l'ayant d'un qui n'estoit grād Vicair dont il ne rapporte le vicariat en bonne forme, & aussi qu'il est confidentiaire comme ledit de Brie la fait paroistre par des missiues au procès.

Depuis le procesz estant prest à iuger, ledit Geoffroy a appellé comme d'abus de la signature de prouision dudit de Brie, & pour moyens dict que les Chapelles de Pujolet, & de sainte Catherine qu'il a baillez par permutation à Falgoux, sont de patronage lay, & n'ayant exprimé ledit patronage lay en la signature, que ladicte signature est abusive & que *ab initio collatio est nulla. Reg. quod ab initio*, & que l'abus dure tousiours & ne se prescrit, alleguant du Moulin sur la requeste de *infirmis num. 45. 46. 53. & 54.* Et adiousté que cela a esté iugé pour le Doyené de Melun, & que ledit Geoffroy est partie capable de s'en pouoir pleindre.

A quoy ledit de Brie respond que sa prouision ne parle que de la Chanoinie, laquelle n'est de patronage lay, par consequent il n'a deu faire mention du patronage, que si exprimant en ladicte signature lesdites deux Chapelles n'a exprimé ledit patronage dont il ne demeure d'accord, & quand elles en seroyent pour cela, sa signature ne seroit viciée ny abusive, d'autant que qu'il ne demande la retention d'icelle, mais expose seulement qu'il les a baillées, en permutation avec d'autres benefices, & vne pension pour ladicte Chanoinie, qui est autant à dire qu'il les a resignez en faueur de son compermutant, & qui ne les a plus.

Que si Falgoux à qui il les auoit resignez, a faict quelque obmission en son impetration, cela ne regarde ledit de Brie, & n'empesche que la prouision dudit Brie ne subsiste, & la nullité si aucune y a de la prouision & signature dudit Falgoux ne se peut estendre a celle dudit Brie, & en maniere de permutation, si le compermutant qui a esté pourueu du benefice comper-

muré vient a deceder, le benefice vacque *per elus obitum*, & le benefice qui a baillé remanet *superfluit* comme au semblable *si in permutatione ex utraque parte admittit alter compervutantium publicè & alter non*, ou bien que *unus eorum non exprimit beneficia obtenta* que pour cela *non annullatur permutatio*, sed *tantum collatio facta ei qui non publicavit vel non expresse*, & la raison est quia *quando culpa eius qui permittit permutatio non sortita est effectum tenet permutatio & non licet ad beneficium regredi* Jo. Andreas in cap. 1. de rerum permutatione in 6.

Comme en ce cas si ledict Falgoux ne s'est bien fait pourvoir desdictes Chapelles où qu'il soit mort avec icelles où qu'il n'aye exprimé leur qualité la permutation ne laisse pas de demeurer bonne, & subsister tant pour ledit Brye que falgoux mais les benefices dudit falgoux a cause de son default pouvoient estre pris comme vacans par mort, ou par deuolut.

Et ce qui est remarquable en ceste question est que les patrons si aucuns il y a ne se sont point pleins & ne se pleignent encor.

Et soustient ledict de Brye que a faulte d'expression de patronage mesmes la Signature de Falgoux, a plus forte raison celle de Brye n'est abusive quand elle autoit esté admise *sperto patrono, neque est ipso iure nulla*.

Et la raison est *quod est nullum & abusivum tractu temporis conualescere non potest, reg. quod ab initio*: Et par consequent celuy qui a un titre nul ou abusif non innature decreto de pacificis.

Or un qui est pourveu *sperto patrono laico innatur decreto de pacificis*, dont s'ensuit que sa provision ne peut estre dicte nulle n'abusue. Ce qui a esté iugé solennellement au parlement de Paris, le 21. Feb. 1602. Entre maistre Pierre Bernard appellant comme dabus d'une pareille provision & maistre Jehan Robert pourveu *sperto patrono laico* qui fut maintenu au benefice contentieux en veru de ses lettres de pacificis.

Et tous les docteurs sont de l'advis de l'arrest que *collatio non est nulla* ains que *venit annullanda conquerente patrono* contre l'opinion de du Moulin sur la regle de *infirmis num. 53, & 54* alleguée par ledict Geoffroy.

Mais ledict Brye est en plus fors termes. Car par sa signature & provision. Il ne se fait pourvoir desdictes chappelles mais expose seulement qu'il sen est demis & qu'il les a requis, tellement que il n'estoit point tenu d'exprimer le patronnage, & en tout cas *non conqueritur patronus*.

Quant a l'Arrest allegué du Doyenne de Melun cité par ledict du Moulin, lespece est differente estant ledict Doyenné de la collation du Roy aux collations duquel on ne conferre point sans son consentement. Meisme quand les benefices vacqueroient *in curia* estant son droit special & eminent, *secus* aux benefices des autres patrons laix.

Ledit Geoffroy s'est aussi porté appellant des appointemens du iuge de Fesanfac pour avoir ordonné qu'il passeroit outre nonobstant des recusations contre luy proposees, comme aussi il s'est inscrit en faux contre la procuration *ad resignandum* passée par Falgoux.

A quoy ledit de Brie respond, que ledit Geoffroy est non receuable a son appel pour deux raisons, la premiere qu'il n'estoit question que de faire faire des extraits en consequence d'un compulsoire, ausquels ledit Geoffroy

fut toujours present.

La seconde que nonobstant ledit appel, il proceda volontairement deuant luy & fit recognoistre des pieces dont il s'ayde au procez.

Quant a l'inscription en faux, ledit Brie espere que le Conseil n'y aura point esgard, d'autat qu'il ne s'inscript point en faux contre les feings, ny autre substance de l'acte, mais seulement fonde son inscription sur quelques responses dudit Brie, qui semble estre differentes à ce qu'en a escript son Aduocat, & le tout faute de l'entendre.

Ledit Geoffroy rapporte vne coppie du vicariat de Rouede extrait des insinuations.

Contre laquelle coppie, ledit Brie dit qu'une coppie d'une coppiene fait foy & qu'elle deuoit estre faicte partie appelée sur l'original ou sur la grosse, & neantmoins par icelle il se void que Rouede n'est que grand Vicaire, *in absentia Archiepiscopi & Domini l'Anglade*, sans faire paroistre par aucun acte, que lors de la collation, l'Archeuesque fut absent de son Diocese.

Et est à noter que ledit vicariat est de l'annee 1606. fait à Neuers, & que depuis ceste annee iusques en l'annee 1610. que vacqua la Chanoinie, l'Archeuesque est allé sur les lieux, par consequent le pouuoir dudit Rouede a cessé, & s'en retournant de rechef ledit Archeuesque luy deuoit donner nouveau pouuoir le premier n'estant baillé en termes generaux, *quoties absens fuisset*, & pour monstrier que l'Archeuesque n'entendoit plus qu'il fut son grand Vicaire, est qu'il crea maistre de Costa qui l'est encor.

De plus vn vicariat *sub conditione* & non general ne vaut, *Rebus. num. 15. in paxi de Vicarijs Episcop.*

Il paroist aussi par ladite coppie que ledit vicariat n'a esté enregistré au Greffe Royal ce qui debuoir estre fait, que les tesmoins qui y sont desnommez sont domestiques asçauoir Secouffe son secretaire, & Colombe qui y est qualifié son aulmonier ce qui est deffendu, par la verification de l'Edict de lan 1550. par lequel il est dict que deffenses sont faictes a tous Collateurs de prendre de leurs domestiques pour tesmoins en leurs collations par plus forte raison a vn vicariat qui est plus qu'une collation & l'ordonnance veult l'acte estre déclaré nul. *Rebus. cod. tit. num. 13. 14.* où il en raporte des arrests ledit Geoffroy ne faisant paroistre d'un pouuoir valable de celui qui luy a conferé, sa prouision est nulle.

Monsieur d'Aste Rapporteur.

